
Trosolwg

Mae'r safon hon yn ymwneud â chasglu gwybodaeth i baratoi cynlluniau i asesu tebygolrwydd, natur ac enbydrwydd risg sy'n gysylltiedig ag ymddygiad plant a phobl ifanc.

Mae'n cynnwys coladu a chofnodi gwybodaeth i gynllunio a chynnal asesiad o blant a phobl ifanc.

Meini prawf perfformiad

Rhaid i chi allu:

1. casglu'r wybodaeth ddiweddaraf am blant a phobl ifanc, eu teulu neu ofalwyr gan gynnwys a ydynt wedi cymryd rhan mewn unrhyw asesiadau blaenorol
2. darparu gwybodaeth berthnasol sydd ei hangen ar blant a phobl ifanc i baratoi ar gyfer cyfarfodydd
3. asesu'r risgiau neu'r anghenion a nodi unrhyw ffactorau amddiffynnol i chi'ch hun, plant, pobl ifanc, eu teuluoedd neu ofalwyr yn unol â pholisïau a gweithdrefnau sefydliadol
4. esbonio mewn ffyrdd sy'n diwallu anghenion plant, pobl ifanc, eu teulu neu ofalwyr: eich rôl chi a rôl eich sefydliad yr wybodaeth a geisir a'r rhesymau dros ei cheisio
5. esbonio pa wybodaeth y mae angen ei rhannu gydag eraill gan gynnwys y rhesymau dros rannu a chyfyngiadau cyfrinachedd
6. nodi trwy arsylwi:
 - natur yr amgylchedd cartref
 - y perthnasoedd o fewn yr uned deuluol
 - gweithrediad cymdeithasol a datblygiad plant, pobl ifanc a'u teulu neu ofalwr
 - a oes angen asesiad arbenigol ar y plentyn neu'r person ifanc - neu wasanaethau ymyrryd neu driniaeth
7. gwerthuso effaith yr ardal a'r gymuned ar blant, pobl ifanc, eu teuluoedd neu ofalwyr, gan gynnwys:
 - ardaloedd o amddifadedd cymdeithasol
 - cryfder adnoddau cymunedol
 - eu hofn o droseddu
8. cadarnhau hawliau teuluoedd a gofalwyr i wneud eu penderfyniadau eu hunain tra'n eu rhybuddio am benderfyniadau a gweithredoedd a allai effeithio ar eraill
9. nodi'r rhwydweithiau sydd gan blant, pobl ifanc, eu teuluoedd neu ofalwyr yn y

gymuned ehangach

10.trefnu unrhyw asesiad arbenigol, os nodwyd un

11.asesu parodrwydd ymatal y plentyn neu'r person ifanc gan ddefnyddio'r wybodaeth sydd ar gael a hyrwyddo dull sy'n seiliedig ar gryfderau

12.nodi camau i fynd i'r afael â ffactorau risg a gwella ffactorau amddiffynnol ar gyfer plant a phobl ifanc:

13.cadarnhau'r cyfle ar gyfer ymarfer adferol a chynnwys eraill yn unol â pholisïau a gweithdrefnau sefydliadol

14.paratoi cynlluniau ac ystyried safbwynt y plentyn neu'r person ifanc ar y broses newid

15.cynnwys plant, pobl ifanc, eu teuluoedd neu ofalwyr ar adegau priodol yn ystod y broses gynllunio

16.adolygu a chytuno ar gynlluniau gyda phobl eraill briodol

17.darparu gwybodaeth am y cymorth a'r gwasanaethau cysylltiedig sydd ar gael yn unol â phrosesau unigol a sefydliadol

18.canfod a oes angen i gynlluniau alinio â sefydliadau neu wasanaethau eraill

19.cytuno â phobl eraill berthnasol y pwyntiau adolygu ar gyfer cynlluniau, a chyfrifoldebau am wneud i'r rhain ddigwydd

20.cytuno ar opsiynau priodol ac opsiynau a ffafrir gyda phlant, pobl ifanc, eu teuluoedd neu ofalwyr mewn ffyrdd sy'n diwallu eu hanghenion

21.darparu cymorth ac anogaeth briodol i deuluoedd neu ofalwyr yn eu perthynas â phlant a phobl ifanc

22.cadw cofnodion cywir a chyfredol, yn unol â gofynion cyfreithiol a sefydliadol |

Gwybodaeth a dealltwriaeth

Mae angen i chi wybod a deall:

1. deddfwriaeth berthnasol a pholisïau a gweithdrefnau sefydliadol sy'n berthnasol i'ch sefydliad ei hun ar gyfer y gwaith sy'n cael ei wneud
2. yr offer asesu perthnasol a ddefnyddir wrth wneud asesiadau o blant a phobl ifanc
3. strategaethau lleol a chenedlaethol ar gyfer datblygu cynlluniau ac effaith y rhain ar eich cynlluniau eich hun
4. yr wybodaeth sydd ei hangen ar gyfer asesu plant a phobl ifanc, sy'n briodol i reoli eu risg o droseddu neu aildroseddu
5. egwyddorion ymarfer sy'n cael ei arwain gan risg yn seiliedig ar ddisgrifiadau penodol o risg o ran ymddygiad ac amgylchiadau
6. ffynonellau gwybodaeth berthnasol am blant a phobl ifanc a sut i gael gafael ar y rhain
7. dulliau ar gyfer gwirio a chadarnhau'r wybodaeth a geir
8. sut i wahaniaethu rhwng tystiolaeth a arsylwyd yn uniongyrchol, tystiolaeth o ffynonellau dibynadwy ac achlust
9. sut i ddylunio a datblygu cynlluniau a rhaglenni ar gyfer plant a phobl ifanc
10. y cysyniadau allweddol sy'n sail i ymatal a'r broses newid
11. ffactorau i'w hystyried wrth ddatblygu a chytuno ar gynlluniau
12. gweithdrefnau a dulliau i asesu a rheoli ffactorau risg gan gynnwys defnyddio systemau asesu risg
13. materion y gall plant a phobl ifanc eu hwynebu gyda chynlluniau a strategaethau ar gyfer mynd i'r afael â'r rhain
14. yr ystod o opsiynau sydd ar gael ar gyfer goruchwyllo a rheoli plant a phobl ifanc yn y gymuned
15. eich rôl a'ch cyfrifoldebau ac ymhle i ofyn am gyngor neu gymorth os oes angen
16. natur a strwythur teuluoedd a gofalwyr ac amrywiaeth y rhain mewn gwahanol gyd-destunau a diwylliannau
17. arwyddocâd y berthynas rhwng teuluoedd a gofalwyr a phlant a phobl ifanc, ac yn enwedig rhwng rhieni a phlant
18. y dylanwadau cyffredinol, personol, cymdeithasol-ddiwylliannol, economaidd a seicolegol sy'n effeithio ar brofiad a phroses rhianta gan gynnwys sut mae profiadau plant a phobl ifanc o gael eu magu gan eu rhieni yn effeithio ar sut y

byddant yn rhianta eu hunain

19.

effaith yr amgylchedd cymdeithasol ehangach ar deuluoedd a gofalwyr a phlant a phobl ifanc, gan gynnwys:

20. anghenion aelodau o'r teulu gan gynnwys iechyd meddwl a defnyddio sylweddau, ac effaith yr anghenion hyn ar blant a phobl ifanc

21. natur ymddygiad y glasoed a ffyrdd o weld hyn yn gadarnhaol

22. rôl eich sefydliad a'i wasanaethau a sut maent yn ymwneud ag asiantaethau a gwasanaethau eraill yn y sector

23. sgiliau datblygu a rhianta gan gynnwys sgiliau corfforol, gwybyddol, emosiynol, cymdeithasol a chyfathreb

1. sut i nodi ac ymateb i bryderon diogelu

25. mathau o gymorth ychwanegol y gallai fod ei angen ar blant a phobl ifanc

26. sut i gyfathrebu ag unigolion mewn ffyrdd sy'n diwallu eu hanghenion

27. sut i greu amgylchedd sy'n tawelu meddyliau unigolion

28. effaith trawma ar blant a phobl ifanc a sut i sicrhau bod eich ymarfer yn ystyried hyn

29. sut i gymhwyso ymarfer sy'n ystyriol o drawma yn eich maes gwaith

1. egwyddorion ymarfer sy'n ystyriol o drawma ac sy'n seiliedig ar gryfderau

31. egwyddorion cyfiawnder adferol

32. ymddygiadau sy'n dangos gwerth i eraill

33. ymhle i gael cyngor ar yr arfer diweddaraf ar niwrowahaniaeth

34. pam mae'n bwysig cytuno ar nodau, amcanion a dyddiadau cau

35. sut i reoli gelyniaeth ac ymddygiad ymosodol mewn ffyrdd sy'n hyrwyddo perthynas waith dda ac yn gwarchod eich diogelwch personol

36. sut y gall diwylliant, rhywedd a chredoau effeithio ar agweddau ac ymddygiad a sut y gallant gael eu hystyried gan erail

37.pam dylech chi gadw at godau proffesiynol neu safonau ymarfer

38.sut i drefnu gwybodaeth mewn ffyrdd a fydd yn eich helpu i'w dadansoddi, a'r fformat sy'n ofynnol wrth roi gwybodaeth

39.polisiâu a gweithdrefnau sefydliadol ar gyfer cadw cofnodion

Datblygwyd gan	Skills for Health
Fersiwn rhif	3
Dyddiad cymeradwyo	31 Maw 2025
Dyddiad Adolygu Dangosol	31 Maw 2030
Dilysrwydd	Ar hyn o bryd
Statws	Gwreiddiol
Sefydliad cychwynnol	Skills for Justice
RCU gwreiddiol	SFJEA7, SFJEA9, SFJED5 a SFJED6
Galwedigaethau perthnasol	Swyddog Cyfiawnder Ieuenctid, Rheolwr Cyfiawnder Ieuenctid, Ymarferydd Cyfiawnder Ieuenctid, Rheolwr Tîm Troseddwyr Ifanc
Cyfres/Set	Cyfiawnder Ieuenctid, Ailsefydlu Troseddwyr
Geiriau Allweddol	Asesiad a arweinir gan risg; asesu; rhwydwaith, teulu, ymddygiad, cymorth